


年青人理財教育

U-life理財學



滙豐
HSBC

滙見新可能

Opening up a world of opportunity

U-life理財學

我地明白要兼顧獨立生活，新嘅社交圈子同學業一啲都唔容易，所以我地準備咗一啲建議，令你順利過渡大學生活。

1 睇住你嘅現金流



定預算可以幫你清晰睇到自己嘅收支狀況。你可以了解自己嘅收入來源、需要支付嘅費用，同埋淨低幾多錢。香港滙豐流動理財應用程式上嘅預算規劃工具，可以幫你開始留意同控制自己嘅開支。亦可確保你朝住你嘅儲蓄目標進發。

2 開一個銀行戶口



如果你仲未有銀行戶口，就應該去銀行開一個，為你嘅財務獨立行出第一步。銀行戶口唔單只係一個俾你儲錢嘅地方，佢仲提供網上同流動理財服務。

3 成為時間管理大師



喺大學生活裏面，你有好多嘢要做，包括上堂、自修，同朋友出去玩等等，所以學識時間管理非常重要。記清自己嘅時間表，咁就萬無一失喇。

4 考慮買保險



你可能會帶唔同嘅電子產品返學。買保險可以令你稍為安心，因為就算你嘅電子用品發生咗意外，你都可以得到適當保障。

5 考慮申請學生貸款



香港有幾個由政府嘅學生資助處管理嘅學生資助計劃。如果申請咗學生貸款，你就要係畢業後開始連本帶利還貸款，所以喺申請學生貸款之前，你需要諗清楚所有因素，包括你嘅貸款原因、貸款金額同埋最快可以幾耐還晒啲錢。雖然學生貸款嘅利率通常好低，但提早還晒佢可以將你需要支付嘅利息同手續費減到最低。

6 搵人幫手



無論係你面對緊學業壓力、情緒困擾，定係需要財務上嘅支援都好，識得搵人幫手係好重要㗎。搵人傾吓可能會有更多唔同嘅解決方法。你可以同大學相關部門聯絡，了解佢哋邊啲服務可以幫到你。

